

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO/TUŽITELJSTVO TRAVNIK
Broj predmeta: T06 0 KT 0037338 25
Travnik, 16.09.2025.godine

OPĆINSKOM SUDU TRAVNIK
-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav 1. Zakona o kaznenom postupku Federacije Bosne i Hercegovine, podižem

OPTUŽNICU

Potvrđena dana 03.10.2025. godine

Protiv:

1. A. B.

2. S. B.,

3. E. B.,

Što su:

Dana 16.04.2025.godine u ulici Derviš ef. Korkuta broj 50, općina Travnik, upotrebom sile i prijetnjom pokušali spriječiti službenu osobu u obavljanju službene radnje i napali na službenu osobu u obavljanju službene radnje na način da su za vrijeme dok su se nalazili u stanu u kome su pored istih boravili R. B. i M. P. gdje su puštali glasnu muziku i zbog čega je na vrata stana došla patrola policije u sastavu P. P. i A. S., te nakon što nisu postupili po upozorenju policijskih službenika, zbog čega su im isti saopštili da moraju poći sa njima u stanicu odbili da postupe po izdatoj naredbi te uz vrijeđanje i psovke počeli pružati i aktivan otpor, kada je S. B. iako svjestan radnji koje poduzima kao i činjenice da zbog takvih radnji za drugoga mogu nastupiti štetne posljedice i htijući to, sa podignutim rukama krenuo u pravcu ovlaštenog službenog lica P. P. sa očitom namjerom da ostvari fizički kontakt sa njim tj. da ga napadne, što je policijski službenik izbjegao zahvatom tzv. polugom i uspio ga izvesti iz stana da bi potom kada je predao imenovanog policijskoj službenici A. S. i pristiglom policajcu P.T. koji je došao kao ispomoć, i u tom momentu E. B. također svjestan svojih postupaka kao i mogućnosti da sa istim za drugoga nastupe štetne posljedice i htijući to, krenuo prema policajcu P. P., te također sa podignutim rukama prišao do istoga, uhvatio za rame i počeo vući ka sebi, kada policijski službenik opet upotrebom poluge zaustavlja napad na sebe i stavlja lice pod kontrolu, a što uočava prisutni policijski službenik G. B. koji je došao kao ispomoć i koji pomaže policijskom službeniku P. P. da ga uz minimalnu upotrebu fizičke sile izvede ispred zgrade, kada uočavaju da se A. B. nalazi iza leđa policijske službene S. A., te da joj se obraća uvredljivim riječima „kurvo“ te očito svjesna svojih postupaka kao i mogućnost da uslijed istih za drugog nastanu štetne posljedice i htijući to, pored i drugih omalovažavajućih riječi, zadaje i nekoliko udaraca u predio desnog ramena i desne strane lica, što prestaje u momentu kada se policijska službenika okreće u njenom pravcu, nakon čega su svu sprovedeni u PS Travnik gdje im je utvrđen stepen alkoholiziranosti za B. E. 0,81 promila, za A.B. 0,38 promila i za S. B. 1,89 promila, a za oštećenu A. S. u JU Dom zdravlja Travnik utvrđene lake tjelesne ozljede u vidu natučenja u području desnog obraza, desne nadlaktice i desne šake

dakle, upotrebom sile i prijetnjom pokušali spriječiti službenu osobu u obavljanju službene radnje i napali na službenu osobu u obavljanju službene radnje, tom prilikom joj nanijeli laku tjelesnu ozljedu

Čime bi počinili krivično djelo „Sprječavanje službene osobe u vršenju službene radnje“ iz člana 358. stav 1. KZ FBiH, a A.B. i krivično djelo „Napad na službenu osobu u vršenju poslova sigurnosti“ iz člana 359. stav 2. a u vezi sa stavom 1. KZ FBiH.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom

KANTONALNI TUŽILAC